

Ն Ո Ր Գ Ր Ք Ե Ր

ԳՐ. ԳՐԻԳՈՐՅԱՆ — «Սովետահայ վիպերգերն ու պատմական երգային բաժանությունը», ՀՍՍՌ ԳԱ հրատարակչություն, 1965 թ., տպաքանակը՝ 1000, 252 էջ, գինը՝ 1 ո.

Զանազանիով հայ մեղավերական վիպերգերի և պատմական երգային բանահյուսության ուսումնասիրությանը, հեղինակը իր առջև խնդիր է դրել այն քննարկել բազմակողմանիորեն և հրատարակել շորս գրքով, որոնցից առաջինը վերաբերվելու է հին շրջանի վիպերգերին ու պատմական երգային բանահյուսությանը, երկրորդը՝ միջնադարյանին, երրորդը՝ նոր ժամանակներին, իսկ չորրորդը՝ սովետական շրջանին:

Հանդամանքների բերումով նախ շարադրվել և լույս է տեսել վերջին գիրքը՝ «Սովետահայ վիպերգերն ու պատմական երգային բանահյուսությունը», որի առաջին մասի առաջին երեք գլուխներում տրվում է սովետահայ բանահյուսության առանձնահատկությունները, վիպերգերի ժանրային բնութագիրը և նրանց սյուժեների համառոտ շարադրանքը: Հաջորդ գլուխներում վերլուծվում են սովետահայ վիպերգերի և պատմական երգային բանահյուսության զաղափարական բովանդակությունն ու կերպարները: Գրքի երկրորդ մասը նվիրված է վիպական երգերի գեղարվեստական առանձնահատկությունների քննությանը և նրանց պոետիկային:

ՍԵՎԱԿ ԱՐՁՈՒՄԱՆՅԱՆ — «Զապել Եսայան», ՀՍՍՌ ԳԱ հրատարակչություն, 1965 թ., տպաքանակը՝ 1000, 295 էջ, գինը՝ 70 կ.

Այս գրքում առաջին անգամ փորձ է արվում ներկայացնելու Զապել Եսայանի գրական ժառանգությունը արձակը, տեսական-գեղագիտական հոդվածները, հրապարակախոսությունը:

Զգալի տեղ է հատկացված նաև Եսայանի հասարակական գործունեությանը, գրական կապերին ու առնչություններին:

Շ. Ն. ՄՂՈՅԻ — «Քրդական ազգային-ազատագրական շարժումները Իրաֆում երկրորդ համաշխարհային պատերազմից հետո», ՀՍՍՌ ԳԱ հրատարակչություն, 1965 թ., տպաքանակը՝ 1000, 178 էջ, գինը՝ 46 կ.

Աշխատությունում լուսաբանվում է Իրաքում երկրորդ համաշխարհային պատերազմից հետո տեղի ունեցած քրդական ազգային-ազատագրական շարժումները, նրանց տեղը և գերը Իրաքի ժողովրդի ընդհանուր հակաիմպերիալիստական պայքարի մեջ: